



An Bhruiséil, 7 Iúil 2021
(OR. en)

10497/21

Comhad Idirinstitiúideach:
2018/0210(COD)

CODEC 1035
PECHE 250
PE 77
CADREFIN 360

NÓTA FAISNÉISE

ó:	Ardrúnaíocht na Comhairle
chuig:	Coiste na mBuanionadaithe/An Chomhairle
Ábhar:	GLACADH NA nGNÍOMHARTHAREACHTACHATAR ÉISAN DARA LÉAMHI bPARLAIMINT NA hEORPA Togra le haghaidh RIALACHÁN Ó PHARLAIMINT NA hEORPA AGUS ÓN gCOMHAIRLE lena mbunaítear an Ciste Eorpach Muirí, lascaigh agus Dobharshaothraithe agus lena leasaítear Rialachán (AE) 2017/1004 - An toradh ar an dara léamh i bParlaimint na hEorpa (Strasbourg, an 5 go dtí an 8 Iúil 2021)

I. VÓTÁIL

An 6 Iúil 2021, dhearbhaigh Uachtarán Pharlaimint na hEorpa go raibh an seasamh ón gComhairle¹ ar an gcéad léamh formheasta gan aon leasú.

Tá téacs an rúin reachtaigh ó Pharlaimint na hEorpa i gceangal leis an nóta seo.

¹ 6975/3/21 REV 3

II. GLACADH NA nGNÍOMHARTHA REACHTACHA TAR ÉIS AN DARA LÉAMH I bPARLAIMINT NA hEORPA

Ós rud é gur fhormheas Parlaimint na hEorpa an seasamh ón gComhairle ar an gcéad léamh gan aon leasú, measfar gur glacadh an gníomh atá i gceist san fhoclaíocht a fhreagraíonn don seasamh ón gComhairle ar an gcéad léamh, mar a fhoráiltear don mhéid sin in Airteagal 294(7)(a) CFAE.

Nuair a bheidh sé sínithe ag Uachtarán Pharlaimint na hEorpa, Uachtarán na Comhairle agus Ard-Rúnaithe an dá institiúid, foilseofar an gníomh in *Iris Oifigiúil an Aontais Eorpaigh*.

P9_TA(2021)0325**An Ciste Eorpach Muirí, Iascaigh agus Dobharshaothraithe ***II**

Rún reachtach ó Pharlaimint na hEorpa an 6 Iúil 2021 ar an seasamh ón gComhairle ar an gcéad léamh d'fhonn go nglacfaí rialachán ó Pharlaimint na hEorpa agus ón gComhairle lena mbunaítear an Ciste Eorpach Muirí, Iascaigh agus Dobharshaothraithe agus lena leasaítear Rialachán (AE) 2017/1004 (06975/3/2021 – C9-0224/2021 – 2018/0210(COD))

(An gnáthnós imeachta reachtach: an dara léamh)

Tá Parlaimint na hEorpa,

- ag féachaint don seasamh ón gComhairle ar an gcéad léamh (06975/3/2021 – C9-0224/2021),
- ag féachaint do thuairim ó Choiste Eacnamaíoch agus Sóisialta na hEorpa an 12 Nollaig 2018²,
- ag féachaint do thuairim ó Choiste na Réigiún an 16 Bealtaine 2018³,
- ag féachaint dá seasamh ar an gcéad léamh⁴ ar an togra ón gCoimisiún chuig Parlaimint na hEorpa agus chuig an gComhairle (COM(2018)0390),
- ag féachaint d'Airteagal 294(7) agus d'Airteagal 42, Airteagal 43(2), Airteagal 91(1), Airteagal 100(2), Airteagal 173(3), Airteagal 175, Airteagal 188, Airteagal 192(1), Airteagal 194(2), Airteagal 195(2) agus Airteagal 349 den Chonradh ar Fheidhmiú an Aontais Eorpaigh,
- ag féachaint don chomhaontú sealadach a d'fhormheas an coiste freagrach faoi Riail 74(4) dá Rialacha Nós Imeachta,
- ag féachaint do Riail 67 dá Rialacha Nós Imeachta,
- ag féachaint don mholadh don dara léamh ón gCoiste um Iascach (A9-0222/2021),
- 1. ag formheas an tseasaimh ón gComhairle ar an gcéad léamh;
- 2. ag formheas an ráitis chomhpháirtigh ó Pharlaimint na hEorpa, ón gComhairle agus ón gCoimisiún atá i gceangal leis an rún sin;

² IO C 110, 22.3.2019, lch. 104.

³ IO C 361, 5.10.2018, lch. 9.

⁴ IO C 116, 31.3.2021, lch. 81.

3. ag tabhairt dá haire an ráiteas comhpháirteach ón gComhairle agus ón gCoimisiún chomh maith leis na ráitis ón gCoimisiún atá i gceangal leis an rún seo;
4. ag tabhairt dá haire go nglactar an gníomh i gcomhréir leis an seasamh ón gComhairle;
5. á threorú dá hUachtarán an gníomh a shíniú le hUachtarán na Comhairle, i gcomhréir le hAirteagal 297(1) den Chonradh ar Fheidhmiú an Aontais Eorpaigh;
6. á threorú dá hArdrúnaí an gníomh a shíniú, a luaith a bheidh sé fíoraithe go bhfuil na nósanna imeachta go léir curtha i gcrích go cuí, agus, i gcomhaontú le hArdrúnaí na Comhairle, socrú a dhéanamh maidir lena fhoilsiú in *Iris Oifigiúil an Aontais Eorpaigh*;
7. á threorú dá hUachtarán a seasamh a chur ar aghaidh chuig an gComhairle, chuig an gCoimisiún agus chuig na parlaimintí náisiúnta.

Ráiteas comhpháirteach ó Pharlaimint na hEorpa, ón gComhairle agus ón gCoimisiún

Aithníonn Parlaimint na hEorpa, an Chomhairle agus an Coimisiún an gá atá le gníomhaíocht maidir le cosaint agus caomhnú na n-éiceachóras muirí agus cósta agus cosaint agus caomhnú na bithéagsúlachta muirí agus cósta a chur chun cinn mar ábhar práinne. Comhaontaíonn na trí institiúid go mbeidh gá le hinfheistíocht shuntasach phoiblí agus phríobháideach ar an leibhéal náisiúnta agus ar an leibhéal Eorpach chun cailliúint na bithéagsúlachta a chomhrac, éiceachórais a chosaint agus a athbhunú agus/nó dea-bhail a choinneáil orthu, agus gur cheart méid suntasach de chaiteachas CEMID a infheistiú sa bhithéagsúlacht. Comhaontaíonn na trí institiúid go n-oibreoidh an Coimisiún leis na Ballstáit, i gcomhthéacs an bhirt clársceidealaithe le haghaidh CEMID 2021-2027, chun an aidhm fhoriomlán maidir leis an gcaiteachas bithéagsúlachta a léirítear in aithris 15 a bhaint amach.

Ráiteas Comhpháirteach ón gComhairle agus ón gCoimisiún

Tá an Chomhairle agus an Coimisiún fós tiomanta dá ngealltanais chun iarracht a dhéanamh briseadh i ngníomhaíochtaí iascaireachta a sheachaint faoi Chomhaontuithe Comhpháirtíochta maidir le hIascaigh Inbhuanaithe trí fhéachaint le Comhaontuithe Comhpháirtíochta maidir le hIascaigh Inbhuanaithe agus Prótacail chur chun feidhme na gComhaontuithe sin a athnuachan go tráthúil.

Ráiteas ón gCoimisiún

Ghlac an Coimisiún le hincháilitheacht na n-infheistíochtaí ar bord a bhaineann le rialú agus forfheidhmiú iascaigh, bídís sainordaitheach nó ná bídís, agus sin le haghaidh shoithí iascaireachta uile an Aontais. Measann an Coimisiún go gcuirfidh na hinfheistíochtaí sin ar a gcumas do na Ballstáit leas iomlán a bhaint as na hacmhainní airgeadais atá ar fáil i CEMID le haghaidh rialú agus forfheidhmiú, chun a n-oibleagáidí faoin Rialachán um Rialú agus faoi rialacha eile de chuid an Chomhbheartais Iascaigh a chomhlíonadh agus chun feabhas suntasach a chur ar an gcultúr comhlíontachta in earnáil na hiascaireachta. Thairis sin, tá an Coimisiún ag súil – i gcomhthéacs an athbhreithnithe atá ar siúl faoi láthair ar an Rialachán um Rialú – go dtacóidh Parlaimint na hEorpa agus an Chomhairle le nuachóiriú na n-uirlisí rialaithe atá ann cheana agus le húsáid teicneolaíochtaí nua mar a mhol an Coimisiún. Go háirithe, fágann sin gur gá réitigh chliste a thabhairt isteach chun soithí ar mhionscála a rianú agus

tuairisciú gabhálacha a dhéanamh orthu, córais a shuiteáil chun faireachán leanúnach a dhéanamh ar chumhacht innill, aistriú i dtreo córais inrianaitheachta lándigiteacha lena gcumhdaítear gach cineál táirge iascaigh (táirgí úra, reoite agus próiseáilte), agus córais chianfhaireacháin leictreonacha shainordaitheacha a thabhairt isteach ar bord soithí iascaireachta agus iad bunaithe ar mheasúnú riosca, toisc gurb iad na córais sin an t-aon bhealach éifeachtach atá ann chun rialú a dhéanamh ar chur i bhfeidhm na hoibleagáide gabhálacha a thabhairt i dtír agus ar fhoghabháil agus aischur speiceas íogair.

Ráiteas ón gCoimisiún

Tugann an Coimisiún dá aire na deacrachtaí a bhí ann go dtí seo maidir le státhabhair a dheonú chun na cabhlaigh sna réigiúin is forimeallaí a athnuachan. D'fhone na réigiúin sin a fhorbairt ar bhealach inbhuanaithe, féachfaidh an Coimisiún le cúnamh a thabhairt do na Ballstáit feabhas a chur ar bhailiú na sonraí eolaíocha is gá chun an incháilitheacht a leagtar amach sna treoirlínte maidir le Státhabhair a chomhlíonadh d'fhone cur i bhfeidhm na dtreoirlínte a éascú, ar treoirlínte iad a bhaineann le scrúdú a dhéanamh ar Státhabhair san earnáil iascaigh agus dobharshaothraithe sna Réigiúin is Forimeallaí.

Ráiteas ón gCoimisiún

Déanfaidh an Coimisiún, i gcomhthéacs an bhirt clársceidealaithe le haghaidh CEMID 2021-2027, na Ballstáit a spreagadh go gníomhach chun an leas is fearr is féidir a bhaint as na bearta a áirítear ina gcláir, go háirithe faoi Airteagal 25 (cosaint na bithéagsúlachta agus na n-éiceachóras), chun an aidhm fhoriomlán a bhaint amach maidir le cailliúint na bithéagsúlachta a chomhrac, le héiceachórais a chosaint agus a athbhunú agus le dea-bhail na n-éiceachóras a choinneáil ar bun trí chaiteachas bliantúil a chur ar fáil faoi CAI mar a leanas: 7.5% de chaiteachas bliantúil faoi CAI le haghaidh cuspóirí bithéagsúlachta in 2024, agus 10% de chaiteachas bliantúil faoi CAI le haghaidh cuspóirí bithéagsúlachta in 2026 agus 2027. Déanfaidh an Coimisiún faireachán rialta ar leibhéal an chaiteachais sin ar bhonn an chaiteachais incháilithe iomláin a dhearbhoídh na tairbhíthe don údarás bainistíochta agus ar bhonn na sonraí a chuirfidh an Ballstát isteach. I gcás ina léiríonn an faireachán a dhéanfar nach bhfuil dul chun cinn leordhóthanach déanta chun an aidhm fhoriomlán a bhaint amach, rachaidh an Coimisiún i dteagmháil go gníomhach leis na Ballstáit ag an gcrúinniú athbhreithnithe bliantúil chun bearta feabhais a ghlacadh, lena n-áirítear leasú ar chlár.